

# ԱՎԱՆԴԻ ԳՐԱՎՈՎ ՎԱՐԿԱՅԻՆ ԳԾԻ ՏՐԱՄԱԴՐՄԱՆ ԵՎ ՍՊԱՍԱՐԿՄԱՆ ՊԱՅՄԱՆՆԵՐ

## Հարգելի՛ հաճախորդ,

**նախքան Ավանդի գրավով վարկային գծի օն-լայն դիմում լրացնելն առաջարկում ենք ծանոթանալ վարկային գծի պայմաններին**

### **Ի՞նչ է իրենից ներկայացնում Ավանդի գրավով վարկային գիծը**

Ավանդի գրավով վարկային գիծը տրամադրվում է Բանկի հաճախորդ հանդիսացող ինչպես **ռեզիդենտ**, այնպես էլ **ոչ ռեզիդենտ** ֆիզիկական անձանց Բանկում ունեցած ընթացիկ և ավանդային հաշիվներին առկա դրամական միջոցների գրավադրմամբ:

Ավանդի գրավով վարկային գիծը տրամադրվում է Բանկի կողմից թողարկված վճարային քարտերով:

### **Ի՞նչ տեսակի քարտով կարող եմ ստանալ Ավանդի գրավով վարկային գիծ**

Ավանդի գրավով վարկային գիծը տրամադրվում է ArCa Classic, ArCa «ՄԻՐ», ArCa Pension, Visa Electron, Maestro, Visa Classic, Visa «ԲԱՐԵՐԱՐ», MasterCard Standard, MasterCard UEFA CHAMPIONS LEAGUE, Visa Gold, MasterCard Gold, American Express Cashback, American Express Blue և American Express Gold տեսակի վճարային քարտերով:

Ընդ որում, որպես ավանդատու Բանկը Ձեզ առաջարկում է **քարտերի տրամադրման արտոնյալ պայմաններ**, մասնավորապես, կարող եք ձեռքբերել - **անվճար VISA Classic/MasterCard Standard** քարտ, եթե տվյալ պահին Ձեր ավանդային հաշվին (հաշիվներին) առկա գումարը (հանրագումարը) հավասար է կամ գերազանցում է 500.000 ՀՀ դրամը (դրան համարժեք արտարժույթը),

- **անվճար VISA Gold/MasterCard Gold** քարտ, եթե տվյալ պահին ավանդային հաշվին (հաշիվներին) առկա գումարը (հանրագումարը) գերազանցում է 7.5 մլն ՀՀ դրամը (դրան համարժեք արտարժույթը),

- **American Express Gold** քարտեր՝ **35,000 ՀՀ դրամ** տարեկան սպասարկման միջնորդավճարով (**American Express Gold** քարտերը տրամադրվում են ռեզիդենտ ֆիզիկական անձանց),

- **American Express Blue** քարտեր՝ մինչև 18.05.18թ. պատվիրված քարտերի դեպքում՝ **10 000 ՀՀ դրամ** տարեկան, 18.05.18թ.-ից հետո պատվիրված, վերաթողարկված, փոխարինված քարտերի դեպքում՝ **6 000 ՀՀ դրամ** տարեկան սպասարկման միջնորդավճարով (**American Express Blue** քարտերը տրամադրվում են ռեզիդենտ ֆիզիկական անձանց):

### **Ավանդի գրավով վարկային գիծը տրամադրվում է միայն ՀՀ դրամային քարտերով**

Ավանդի գրավով վարկային գիծը տրամադրվում է ինչպես ՀՀ դրամային, այնպես էլ արտարժույթային՝ ԱՄՆ դոլար և եվրո արժույթներով, քարտերով:

### **Որքա՞ն գումար կարող եմ ստանալ**

Վարկային գծի առավելագույն գումարի չափը որոշվում է՝ ելնելով վարկային գծի և գրավադրվող միջոցների արժույթներից և քարտի տեսակից, մասնավորապես, վարկային գծի գումարը կարող է կազմել առավելագույնը

- գրավադրվող գումարի **80%-ը կամ 95%-ը**, եթե վարկային գծի և գրավադրվող միջոցների արժույթները նույնն են,
- գրավադրվող գումարի **75%-ը**, եթե վարկային գծի և գրավադրվող միջոցների արժույթները տարբեր են,

### **և ըստ քարտի տեսակի առավելագույնը**

- **ArCa Classic** և **ArCa Pension** քարտերի դեպքում՝ 600 000 ՀՀ դրամ,
- **ArCa «ՄԻՐ»** քարտերի դեպքում՝ 600 000 ՀՀ դրամ կամ դրան համարժեք արտարժույթ,

# ԱՎԱՆԴԻ ԳՐԱՎՈՎ ՎԱՐԿԱՅԻՆ ԳԾԻ ՏՐԱՄԱԴՐՄԱՆ ԵՎ ՍՊԱՍԱՐԿՄԱՆ ՊԱՅՄԱՆՆԵՐ

- **Visa Electron** կամ **Maestro** քարտերի դեպքում՝ 600 000 ՀՀ դրամ կամ դրան համարժեք արտարժույթ,
- **Visa Classic, Visa «ԲԱՐԵՐԱՐ», MasterCard Standard, MasterCard UEFA CHAMPIONS LEAGUE, American Express Blue, American Express Cashback** քարտերի դեպքում՝ 6 մլն ՀՀ դրամ կամ դրան համարժեք արտարժույթ,
- **American Express Gold** քարտերի դեպքում՝ 18 մլն ՀՀ դրամ կամ դրան համարժեք արտարժույթ,
- **Visa Gold** կամ **MasterCard Gold** քարտերի դեպքում առավելագույն գումարի սահմանափակում առկա չէ:

## Ի՞նչ ժամկետով է տրամադրվում վարկային գիծը

Վարկային գիծը տրամադրվում է Ձեր քարտի գործողության ժամկետով:

## Որքա՞ն է կազմում տարեկան տոկոսա-դրույքը

Տարեկան տոկոսադրույքը կախված է Ձեր քարտի արժույթից

- ՀՀ դրամային քարտերի դեպքում՝ 14%,
- ԱՄՆ դոլարով քարտերի դեպքում՝ 12%,
- Եվրո արժույթով քարտերի դեպքում՝ 10%:

## Վարկային գծի մարումներն ինչպե՞ս պետք է կատարեմ

Վարկային գծի գործողության ընթացքում սահմանվում են նվազագույն պարտադիր մարումներ հետևյալ տրամաբանությամբ.

- նվազագույն պարտադիր մարումները բացակայում են, եթե դրամական միջոցների և վարկային գծի արժույթները նույնն են, և Ձեր վարկային գծի գումարը կազմում է գրավադրված միջոցների մինչև 80%-ը,
- նվազագույն պարտադիր մարումները սահմանվում են յուրաքանչյուր ամսվա ավարտից 50 օրացուցային օրվա ընթացքում նախորդ ամսվա վերջի դրությամբ օգտագործված վարկային գծի 10%-ի չափով (American Express Gold քարտերի համար՝ 5%), եթե դրամական միջոցների և վարկային գծի

արժույթները տարբեր են կամ վարկային գիծը տրամադրվում է գրավադրվող միջոցների առավելագույնը 95%-ի չափով,

- **American Express Blue** քարտերով տրամադրվող վարկային գծերի դեպքում սահմանվում են վարկային գծի նվազագույն պարտադիր մարումներ յուրաքանչյուր ամսվա ավարտից 50 օրացուցային օրվա ընթացքում նախորդ ամսվա վերջի դրությամբ օգտագործված վարկային գծի 10%-ի չափով՝ անկախ վարկային գծի չափից և գրավադրվող միջոցների ու վարկային գծի արժույթներից:

Ընդ որում, վարկային գծի մարումներ կատարելիս օգտագործված գումարները վերականգնվում են: Դուք կարող եք վերականգնված միջոցները կրկին օգտագործել:

Վարկային գծի գումարի ամբողջական մարումը պետք է կատարեք վարկային գծի գործողության ժամկետի ավարտին:

## Որքա՞ն պետք է վճարեմ վարկային գծի տրամադրման համար

Վարկային գծի տրամադրման համար որևէ միջնորդավճար չի գանձվում:

## Արդյո՞ք վարկային գիծը ստանալու համար պետք է ապահովեմ այլ գրավ

Ավանդի գրավով վարկային գիծը տրամադրվում է Բանկում ունեցած Ձեր դրամական միջոցների գրավադրմամբ, որևէ այլ գրավ չի պահանջվում:

## Պարտադիր է, որ լինեմ գրանցված աշխատող:

Ո՛չ, ավանդի գրավով վարկային գծի տրամադրման համար միակ պայմանը Բանկում դրամական միջոցներ ունենալն է:

# ԱՎԱՆՂԻ ԳՐԱՎՈՎ ՎԱՐԿԱՅԻՆ ԳԾԻ ՏՐԱՄԱԴՐՄԱՆ ԵՎ ՍՊԱՄԱՐԿՄԱՆ ՊԱՅՄԱՆՆԵՐ

**Վարկային գծի համար դիմելուց հետո ի՞նչ ժամկետում կտեղեկանամ վարկային գծի տրամադրման կամ մերժման որոշման վերաբերյալ**

Վարկային գծի տրամադրման վերաբերյալ որոշման կայացումը և տրամադրումը կատարվում է անմիջապես դիմելու պահին:

Վարկային գծի տրամադրման գործընթացը շատ արագ է, քանի որ վարկային գծի տրամադրման համար վարկային կոմիտեի որոշում չի պահանջվում:

Վարկային կոմիտեի որոշում պահանջվում է միայն, եթե վարկառուն և գրավատուն տարբեր անձինք են (նման դեպքում վարկային գծի համար կարող եք դիմել՝ միայն Բանկի մասնաճյուղ այցելելով):

**Եթե ժամանակին չկատարեմ վարկային գծի մարումները, ի՞նչ տուգանքներ պետք է վճարեմ**

Վարկային գծի մարումները սահմանված ժամկետում չկատարելու դեպքում չկատարված պարտավորությունների նկատմամբ հաշվարկվում է օրական 0.13% տույժ:

**Վարկային գիծ ստանալու համար ի՞նչ փաստաթղթեր պետք է ներկայացնեմ**

Վարկային գիծը ACBA On-Line համակարգով ձևակերպելու դեպքում որևէ փաստաթղթի ներկայացման անհրաժեշտություն չկա, իսկ մասնաճյուղում ձևակերպելու դեպքում անհրաժեշտ է ներկայացնել միայն անձը հաստատող փաստաթուղթ և հանրային ծառայությունների համարանիշ կամ բնակչության պետական ռեգիստր վարող մարմնի կողմից տրված տեղեկանք հանրային ծառայությունների համարանիշ չստանալու վերաբերյալ: Նույնականացման քարտ ներկայացնելու դեպքում հանրային ծառայությունների համարանիշ ներկայացնելու անհրաժեշտություն չկա:

**Որտե՞ղ կարող եմ ծանոթանալ Ավանդի գրավով վարկային գծերի տրամադրման ընդհանուր պայմաններին և, անհրաժեշտության դեպքում, այն համեմատել այլ առաջարկների հետ**

Ավանդի գրավով վարկային գծի պայմաններին ընդհանրացված ձևով կարող եք ծանոթանալ <https://www.acba.am/hy/individuals/loans/credit-lines/credit-lines-with-deposit-pledge/with-reducible-limit> հղմամբ՝ դիտարկելով «Ավանդի գրավով վարկային գծի էական պայմանների ընդհանրական թերթիկ» փաստաթուղթը:

Ընդ որում, խորհուրդ ենք տալիս մինչ վարկային պայմանագրերը ստորագրելը մանրամասն ծանոթանալ նաև Ձեզ տրամադրվող վարկային գծի էական պայմանների անհատական թերթիկին:

**Արդյո՞ք կան համանման այլ վարկեր կամ վարկային գծեր, որոնց համար ևս կարող եմ դիմել**

Մեր կողմից առաջարկվող տարատեսակ սպառողական վարկերի և վարկային գծերի միջոցով Դուք կարող եք առավելագույն ձևով բավարարել Ձեր կարիքները:

Այդ վարկատեսակներն են.

- Ավանդի գրավով նվազեցվող սահմանաչափով վարկային գիծ,
- Ավանդի գրավով սպառողական վարկ,
- Ավանդի գրավով չվերկանագնվող քարտային վարկային գիծ,
- Մինչև 5 մլն առանց գրավի սպառողական վարկ,
- Գրավով ապահովված սպառողական վարկ,
- Քարտային վարկային գիծ,
- Զվերականգնվող քարտային վարկային գիծ,
- Նվազեցվող սահմանաչափով վարկային գիծ,

Մանրամասն կարող եք ծանոթանալ [www.acba.am](http://www.acba.am) կայքի միջոցով:

# ԱՎԱՆԴԻ ԳՐԱՎՈՎ ՎԱՐԿԱՅԻՆ ԳԾԻ ՏՐԱՄԱԴՐՄԱՆ ԵՎ ՍՊԱՍԱՐԿՄԱՆ ՊԱՅՄԱՆՆԵՐ

## Ի դեպ,

Վարկային գծի գործողության ժամկետի ընթացքում Դուք կարող եք Ձեր քարտային հաշվին մուտքագրել սահմանված նվազագույն պարտադիր մարումներից ավելի շատ գումար

Նման դեպքերում Բանկը որևէ տույժ կամ լրացուցիչ վճար չի գանձում:

Դուք կարող եք նաև վարկային գիծն ամբողջությամբ մարել պայմանագրով նախատեսված վերջնաժամկետից ավելի շուտ

Վարկային գիծը ժամանակին մարելն ունի մեծ կարևորություն Ձեզ համար, քանի որ վարկային գիծ ստանալով՝ Դուք ձևավորում եք Ձեր վարկային պատմությունը

Վարկային պատմությունն իրենից ներկայացնում է վարկառուի (երաշխավորի) ստանձնած վարկային պարտավորությունների և դրանց կատարման վերաբերյալ ամբողջական տեղեկատվությունը:

Վարկային պարտավորությունները պայմանագրով սահմանված ժամկետներում և չափով չկատարելու դեպքում Բանկն առավելագույնը 3 աշխատանքային օր հետո Ձեր տվյալները (պարտավորությունների չկատարման կամ ոչ պատշաճ կատարման մասին տեղեկատվությունը) կուղարկի ԱՔՌԱ վարկային բյուրո:

*Վատ վարկային պատմություն ունենալը Ձեզ համար հետագայում այլ վարկեր ստանալիս կարող է հանդիսանալ խոչընդոտ:*

Եթե վարկային գծի գործողության ընթացքում տեղի ունենան ներքոնշյալ փոփոխությունները, ապա մենք կապահովենք Ձեր տեղեկացված լինելը

## Փոփոխություններ

- վարկային գծի անվանական տոկոսադրույքի փոփոխություն,
- Ձեր և Բանկի միջև հաղորդակցման կարգի փոփոխություն,
- փոփոխություններ իրավական ակտերում, որոնք ուղղակի ազդեցություն ունեն Ձեր և/կամ Բանկի իրավունքների և պարտականությունների վրա,
- վարկային գծի ընդհանուր պայմանների փոփոխություն,
- այնպիսի հանգամանքների փոփոխություն, որն ուղղակի ազդեցություն ունի Ձեր և Բանկի իրավունքների, պարտականությունների կամ պարտավորությունների վրա՝ ներառյալ ԱՔՌԱ վարկային բյուրո տվյալներն ուղարկելը:

## Կատարված փոփոխությունների վերաբերյալ Բանկը Ձեզ կտեղեկացնի

- կատարված փոփոխության վերաբերյալ որոշումն ուժի մեջ մտնելուց 7 աշխատանքային օր առաջ, եթե փոփոխությունը նախաձեռնողը Բանկն է,
- փոփոխության տեղի ունենալուց և Բանկի՝ այդ մասին տեղեկանալուց 7 աշխատանքային օր հետո, եթե փոփոխությունը նախաձեռնողը Բանկը չէ:

## Բանկն առնվազն 30-օրյա պարբերականությամբ Ձեզ կտրամադրի Ձեր վարկային հաշվի վերաբերյալ քաղվածք

Քաղվածքը պարունակում է քաղվածքի ժամանակահատվածի սկզբի դրությամբ Ձեր վարկի մնացորդի, 30-օրյա ժամանակահատվածում Ձեր կողմից կատարված մուտքերի ընդհանուր չափի, մարված տոկոսագումարների, մայր գումարի, տույժերի (առկայության դեպքում) չափի, ինչպես նաև քաղվածքի վերջին օրվա դրությամբ Ձեր վարկի մնացորդի վերաբերյալ տեղեկատվություն:

# ԱՎԱՆԴԻ ԳՐԱՎՈՎ ՎԱՐԿԱՅԻՆ ԳԾԻ ՏՐԱՄԱԴՐՄԱՆ ԵՎ ՍՊԱՍԱՐԿՄԱՆ ՊԱՅՄԱՆՆԵՐ

Կատարված փոփոխությունների վերաբերյալ ծանուցումները, ինչպես նաև վարկային հաշվի քաղվածքները Ձեզ կտրամադրվեն գրավոր

Նշված տեղեկատվությունը Ձեզ կտրամադրվի Ձեզ համար նախընտրելի եղանակով՝ փոստային կապի միջոցով կամ էլեկտրոնային փոստով կամ առձեռն՝ Բանկի տարածքում:

Արտարժույթով վարկային գիծ ստանալու դեպքում Դուք պայմանագրի ստորագրման և/կամ կնքման փաստով հավաստում եք, որ գիտակցում եք արտարժույթի փոխարժեքի փոփոխման հետևանքով առաջացող հնարավոր անբարենպաստ հետևանքները և նախընտրում եք վարկային գիծը ստանալ արտարժույթով:

Եթե վարկային գծի գործողության ընթացքում առաջանան դժգոհություններ, ապա

կարող եք հետևել «Ի՞նչ անել, եթե ունեք բողոք» փաստաթղթում ներկայացված քայլերի հաջորդականությանը՝ [https://www.acba.am/uploaded/Complaint\\_instructions.pdf](https://www.acba.am/uploaded/Complaint_instructions.pdf) հղմամբ:

Բանկի մասնաճյուղերի ցանկին կարող եք ծանոթանալ անցնելով <https://www.acba.am/hy/about-bank/Branches-and-ATMs> հղմամբ: